

中國地理教科書

第一

七十二

中國地理教科書

寧武
南氏
校印

凡例

一此冊所言皆中國現今地理之大勢以備高等小學及中學第一年之用若天文地理人文地理其大綱已詳於蒙學教授之年故此編從略

一治地理學者非先明今日之地勢及地名則考古失其標準此編之宗旨雖係考古與知今並重然首冊于現今之地理則特加詳晰因知今然後能考古也若首冊以下則概以考古爲重矣

一山脈河流之學始于禹貢蓋山川所以定疆域也故此冊所記特詳

一說與表相輔而行治地學者欲簡要淺明非立表末由故此冊所列之表較之他書尤爲完密

一此冊以省爲綱先詳沿革貴考古也繼言區畫貴知今也繼

詳商埠物產重實用也

一各省之後附列各道表以每道所轄之地其區畫之制多沿古昔凡土地同屬一道者其人情風俗物產必多相同閱者極宜注意

一此冊所列水道表最爲清晰仿洪氏乾隆府廳州縣志之例而小變之庶閱者易于瞭然

一綠營兵制既附見于各省中故不復列表惟各省駐防及長江水師則書中未及詳載故列表以詳之

一此冊于古代地理必注以今日之地名或以現今之地望釋之以備學者之參攷

一地理非圖不明本會當另印精圖別自爲冊與此書相輔而行

序

近世以來治地學者析爲天文地理人文地理三種
吾觀蒼頡有言地日行一度風輪扶之岐伯亦曰地爲大氣所
舉推之璣衡齊政著于虞廷土圭測景詳于周禮張衡天儀辨
勢審形裴氏輿圖按度計里則天文地理固爲古人所特詳矣
禹貢一篇地學之祖詳于導水導山之法以山川定疆域不以
疆域定山川並以勾股之形定山川之高下又爾雅一書有釋
地釋丘釋山釋水四篇因義立名區畫昭然而史公誌河渠桑
欽著水經窮源竟委提要鉤玄則地文地理亦爲古人所不廢
矣汨作九共詳于釐土分方之法而伯益山海經又詳敘山川
物產周代之初邦中之版掌于司書九州之圖藏于司險司徒
知地域廣輪之數以辨五地之物生職方辨邦國都鄙之民旁
及財用穀畜之數推之史記貨殖傳漢書地理志于風俗民情

物產莫不明哲辨章則人文地理亦爲古人所特詳矣蓋秦漢以前輿地之書咸崇實用秦漢以後輿地之學崇尚空言惟亭林著郡國利病書詳于行政景范著方輿紀要明于用兵稍與空言有別而近世巨儒精研地學詳于考古略于知今以考證標其幟一城一邑辯及千言故地理之書日增而地理之學日晦夫人民之所栖託者大地之上也今也于海陸之區分山川之流峙邦國之建設物產之盛衰民風文化之變遷不自知其所以然猶之冥行而欲索途也吾爲此懼編中國地理教科書淺明簡直以便初學使治地學者可以由淺而入深古人有言知古不知今是爲陸沈知今不知古是爲聾瞽學者明于此義庶可以治地理學矣

第一課 中國地理之沿革

中國古稱中夏爲漢族人民所建國上古之時肇基亞洲西南由西徂東其開基之君實惟盤古盤古之後有天皇地皇人皇復歷九頭五龍攝提合維連通敍命循蜚因提禪通九紀然君主或居中土或居西方其入中國者大抵由新疆衛藏以達陝甘巴蜀之邊陲厥後由黃河南下追逐苗族于南方故伏羲都陳神農都曲阜及黃帝之時始與西方分立其疆域東至于海西至空峒南至于江北至恆山顓頊之地北至幽陵南至交趾西至流沙東至蟠木帝堯之時東至嵎夷南至南交北至朔方西至西土後帝舜分天下爲十二州夏禹復分天下爲九州其地東漸于海西被流沙分建萬國商周亦制九州商地東至太遠西至邠國南至濮鉛北至祝栗分建三千國周地略與商同分建一千八百國東周之時諸侯並吞至于戰國僅存七雄秦

滅六國一統天下廢封建之制分天下爲四十郡然閩廣湘黔
悉入版圖西至臨洮北至沙漠東南至海後楚漢滅秦漢復併
楚分天下爲十三部置郡國一百有三左至東海右至渠搜前
至番禺後至陶塗而川滇之疆悉歸中國東漢疆域與西漢同
置郡國一百有五蓋仍封建郡縣並行之制也亦分天下爲十
三部魏篡漢祚有州十三而吳據江南後漢據蜀號曰三國西
晉篡魏兼滅蜀吳設有十九州郡屬于州縣屬于郡東晉之後
僅保江南而大河南北悉爲氏羌胡羯鮮卑所居號曰五胡復
爲元魏周齊所佔號曰北朝東晉以後又歷宋齊梁陳四朝偏
安江左號曰南朝隋代統一南北置一百九十郡縣屬于郡郡
屬于部與漢制同其地東南至海西至且末北至五原唐改郡
爲州分天下爲十道後爲十道縣統于州州統于道復排斥四夷
開疆拓土東至大海西踰蔥嶺南盡林州北被大漠及後梁篡

唐奄有北部沙陀滅之稱曰後唐晉漢繼興皆出沙陀郭威滅漢是曰後周是爲五代而南方之地十國分立北宋統一天下分天下爲十五路而府州軍監共三百二十一區咸屬于路各有領縣其地東南至海西盡巴焚北極三關後北境沒于夏遼及金人崛起淮漢以北悉入于金惟淮漢以南尙爲宋有元起蒙古滅金吞宋置中書省十有一路屬于省府州屬于路縣屬府州明平蒙古置十三布政司以分領天下府廳州縣東起朝鮮西接衛藏南至越南北至大磧本朝起滿洲奄有中夏又征服新疆及西北兩藩分中國爲十八省以分領府廳州縣而滿洲新疆亦置行省此中國地理之沿革也

中國歷朝都城表

朝名

都名

現今之名稱

伏羲

陳

河南陳州府

神農

曲阜

山東曲阜縣

黃帝

涿鹿

直隸涿州

少昊

曲阜

見前

顓頊

帝丘

直隸大名府西

帝嚳

亳

河南偃師縣

唐堯

平陽

山西平陽府

虞舜

蒲坂

山西蒲州府

夏

安邑

山西解州

商

亳殷

見前河南衛輝府

西周

鎬

陝西西安府

東周

洛邑

河南洛陽縣

秦

咸陽

陝西西安府

西漢

附新莽

長安

同上

後漢

洛陽

河南洛陽縣

魏

同

同上

蜀

成都

四川成都府

吳

建業

江蘇江寧府

西晉

洛陽

見前

東晉

建康

江蘇江寧府

宋

同

同上

齊

同

同上

梁

同

同上

陳

同

同上

元魏

平城
洛陽

山西大同府
見前

東魏

鄴

河南彰德府

西魏

長安

見前

北齊 鄴 見前

北周 長安 見前

隋 同 同上

唐 同 同上

後梁 汴 河南開封府

後唐 洛陽 見前

後晉 汴 見前

後漢 同 同上

後周 同 同上

北宋 同 同上

南宋 臨安 浙江杭州府

遼 臨潢 內蒙古巴林部
大定 內蒙古喀喇沁部南

夏 興慶 甘肅寧夏府

金

會寧
燕京

吉林三姓城旁
直隸順天府

元

大都

同上

明

應天
順天

江蘇江寧府
直隸順天府

第二課

中國地理概述

幅員

疆界

區畫

地勢

幅員

中國在亞洲之東南南自北緯十八度十三分起

以瓊州南

境為
極端

北至北緯五十三度五十分止

以蒙古西北之
薩彥嶺為極端

經線東至

北京偏東十八度十五分起

至烏蘇里
河為極端

西迄西經四十二度十

一分止

以烏赤別里
山為極端

南北廣七千一百餘里東西廣八千八百

餘里面積約三千二百六十四萬二千八百八十二方里誠亞

洲最大之國也

疆界

中國之地東瀕渤海黃海東海與朝鮮日本及台灣相

望東南瀕南海南與安南老撾緬甸相接西南與印度之克什

米爾阿薩密及布魯克巴錫金廓爾喀三部相接西與帕米耳

及俄屬中亞細亞相接北與俄屬西比利亞相接東北與俄屬東海濱部相接又與朝鮮相聯

區畫 中國因山川之形勢行政之方便或設直省或爲外藩直省之中一爲中國本部之十八省一爲關東之三省一爲西域之新疆省皆直轄于中央政府者也外藩之中一爲北藩一爲西藩皆各有部長受中國政府之保護者也中國本部有崑崙山脈三大幹東西橫列分地勢爲三大區一爲黃河流域東起渤海西抵青海分爲六省東曰直隸山東稍西曰山西河南又西曰陝西甘肅地多高峻沃土無多一爲揚子江流域東盡黃海東海西抵西藏分爲八省東曰江蘇浙江稍西曰安徽江西又西曰湖北湖南貴州極西曰四川土脈膏腴交通便利一爲珠江流域北起南嶺南臨南海分爲四省東曰福建稍西曰廣東又西曰廣西極西曰雲南東南部殷富西部多山本部之外

關東三省屬于黑龍江流域直隸東曰盛京又西北曰吉林又北曰黑龍江統名滿洲西域一省屬于塔里木河流域在甘肅西即新疆是也各行省之外有藩部三本部之北爲蒙古甘肅西南爲青海四川以西爲西藏

地勢 中國地勢分爲四類一曰山岳約占全部三分之二如

西藏新疆蒙古雲南四川貴州陝西甘肅山西各省及滿洲之北部是也二曰丘陵如福建江西兩湖兩廣及滿洲之東南是也三曰原野如江蘇浙江及直隸河南湖北之東部安徽山東之北部是也四曰沙漠

中國古代稱爲流沙

西起天山南路歷青海內外

蒙古東抵黑龍江之呼倫貝爾皆不毛之地也大約山岳之地最高丘陵次之而原野又次之地勢愈下則地利愈饒地勢愈高則地利愈薄

第三課

山脈一

喜馬拉山脈

天山山脈

阿爾太山脈

兩山之間必有川見于考工記則兩川之間亦必有山乃自然之理亞州山脈咸發源于帕米耳高原中國在帕米耳高原東故山脈皆由西趨東而地勢亦西高東下中國山脈由帕米耳起源帕米耳即庸成所居羣玉山唐史作波迷羅川分爲四道在西南者爲喜馬拉山在西北者爲天山及阿爾太山在中間者爲崑崙山而崑崙山在中國本部復分爲三大幹試略述之

喜馬拉山脈 喜馬拉山脈起于噶什米爾之東北與帕米耳相接逆印度河東南下入西藏之西南復折而東趨爲西藏天然之界線其最高之峯至達二萬八千尺名額非爾斯山又東過春丕爲卓木刺里山又東爲札克達山自是以東山峯益低其脈遂若斷若續矣

天山山脈 天山山脈西端接蔥嶺烏赤別里山高一萬二千餘尺高聳于喀什噶爾西乃中俄之界亦即塔里木河與俄阿